

扶溝縣志

卷四 建置志
卷五 官師表
卷六 賦役志
卷七 輿地志

光緒扶溝縣志卷之四

知縣熊 燦纂修

建置志

城池 演武場

公署 橋梁

壇廟 坊表

倉庫 郵政

試院 寺觀

古者體國經野以爲民極自城池公廨以至壇廟橋梁之屬皆民社所關有其舉之莫敢廢也志建置

城池

隋

大業末移治桐邱城卽今縣治

明

扶溝縣志

卷之四

城池

一

洪武三年縣丞劉鎰創建高丈餘周圍六里三百二十二步

正統七年知縣韓璟增修高二丈五尺池深二丈

按通志周圍九里三十步

高一丈九尺廣二丈與此小異

景泰二年知縣陳紀建敵樓

成化十九年知縣胡宣修四門東曰寅賓南曰迎薰西曰見嵩

北曰拱宸

正德五年知縣王廷華創女牆立敵臺浚隍建郭門

嘉靖四年縣丞康鉞修北門三十一年知縣高經築城隆冬不

息明年有柘寇卒賴其力

隆慶六年知縣黃芬作甌城徐宏繼之再歲乃成

劉自強修城碑

萬曆二年閏十二月邑侯徐公以修城告成事學博李逢盛率諸生儼然造予曰盛聞在昔城謝城韓詩人致咏城郛城費春秋必書雖詞旨不同要其紀事一也今徐公成城矣宜有文勒石以昭往詔來予曰噫茲役也乃生民利害最切焉者予往官於朝言之當事者數率補葺崩損隨修隨復邑人無歲不城役間有毅然肩其事者又鮮能有終今我公實成之成吾志也按扶溝中州僻小邑介在濁河溱洧之間每遇秋澇境內即成巨浸是故大熟鮮值則民窮民窮則盜起此城垣之修視他邑為最要而有司所當亟圖者當毅皇帝之初年有縣令涿鹿王公廷華者志在保障始築土墉高二丈餘上廣五尺下廣九尺周廻九里許甫成適流寇劉六等突至士若民賴以全活者以億萬計扶人德之無何以憂勞感疾卒於官人至今追哀之蓋六七年所矣然時有水澇城多覆於隍又時時有盜警癸丑師尚詔之亂直薄城下城幾不守邑中父老今談之猶為寒心飛魂而有司曾莫之省

扶溝縣志

卷之四

城池

一一

也莊皇帝末縣令黃公芬者行城履隍慨然太息曰嗟無城無縣無民何以令為吾將圖之又仰思俯歎召父老議曰此城舊不土乎扶固水患隨築隨圯徒勞民傷財無益也籌必甄可乎僉曰俞於是會計甄灰及工役之費并堪動帑銀請於撫臺梁公按臺楊公及司道府諸曹咸報可撫臺發帑金萬餘來濟於是民以悅來工以心競不逾年而三面之城就緒其城之上下高厚較故城增三之一會黃公以疾去繼攝者開封判府汾陽牛公宗顏莅事無幾重修一東門并西南城二工餘未就而代今上龍飛元祀冬我侯徐公至則登墉四望見西南一面尚土也多人跡往來乃瞿然驚歎曰予聞斯地夙稱盜藪茲城未竣是示人以不備也脫有盜如劉師輩者乘虛而攻即三面豈足恃哉兵法曰攻其所不備是已於是踵黃公功緒期與民便復請於撫臺吳公按臺劉公及司道府諸曹報如前遂卜於次年十月首事於是選廉任能集役程工凡厥因革各協厥中不三月而西南之城告成始稱完城矣而樓舖水口隍塹以漸底績此皆黃公齎志未竟者一舉而竟之譬之樂我公其大成與成之日予載酒往落之遠望雉堞翼如近觀虹橋巋如仰睇則嵩少挿天俯窺則

洪波浴日古稱百雉言言屹屹者豈是過耶自今聿始垂千
百禩保障吾邑士民子孫孰不頌黃公徐公之績云黃公名
芬號遠南湖廣江夏人省進士徐公
名宏號志齋江西臨川人省進士

郝維喬修城記

扶故有城卑陋僅踰尋丈當正德辛未中原盜起會王侯廷
華來令扶溝極力修築城成而盜猝至攻三日不克後城以
土故漸圯嘉靖癸丑師尙詔以數千人起歸德轉戰趨扶竟
日環攻夜出精悍數百人列炬攻東門而東北女牆忽崩丈
餘守陴皆惶恐幸盜一意攻門初不知女牆之崩也旋遁去
然勢若累卵矣當是時司寇劉公方爲吏部郎寓京邸聞盜
攻扶悵然曰城者盛也所以盛受民人者也城非壯固不可
守思易輒斃以利永久隆慶辛未劉公晉大司寇是年夏黃
侯芬補扶令劉公屬以城事且曰輒灰自地宅出吾宗可出
萬數請先納爲衆倡黃侯諾遂上其事城役大興時辛未孟
冬日也城甃東門迤邐而北踰年僅成東北二隅而西南未
竟黃侯以疾去甲戌春徐侯宏至盡贖金百方營辦迄乙亥
冬日西南亦告成徙千餘人輒五百餘萬費巨萬緡城周一
千二百四十一丈高三丈深三之一城四門有樓有郭有角
樓有舖廬有水道旁下有走水長堞翼翼峻垣濯濯以上則
巉嶮以下則壑鬱鬱屹屹如繩如削域民
壯威金湯再作脫有緩急乘城坐却

扶溝縣志

卷之四

城池

三

萬曆三十年知縣全良範繼修三十九年知縣丁可取拓城丈
餘崇禎十年知縣蘇顯祐創附城敵樓十五年闖賊陷城賊旣
去營頭李奮文令四鄉土人因廢址修之不及舊城者數版

國朝

順治十三年知縣王佐重修東北二門暨二橋

康熙四年知縣高錫爵重修三十六年知縣趙如桓重修

乾隆二十二年靈雨連旬城之崩塌者大半二十七年知縣董

豐垣重修

嘉慶元年知縣楊芝年重修二十二年知縣胡秉鈞重修西門

濠梁官路

咸豐年間知縣鄒金生飭城鄉紳士創建附城四角礮樓週圍

營房捻匪擾亂賴以保全

公署

縣治創自隋唐燬於元季明洪武三年重修縣丞劉鎰草創規模門堂俱備牧

愛堂五間嘉靖七年知縣趙輔宏拓其制前為戒石亭永樂二年知縣馬文炯立石又前為

儀門大門各三間知縣胡宣修後為清心省事堂三間知縣胡宣建嘉靖中知縣

扶溝縣志

卷之四

四

高經改為五間隆慶元年知縣周京仍改為三間又後為知縣宅庭舍兩層中有小樓西向東有花亭堂

之西有幕廳西北有射亭蘇顯祐建又西為典史宅又西為吏舍堂

之前東西列六房科各十間房科之北左為預備倉為庫右為

獄儀門東偏為衙神廟廟之東為寅賓館萬曆十三年知縣張一心建案衙神廟寅

賓館始為縣丞廳宅嘉靖間裁縣丞改為廟館大門外東旌善亭西申明亭洪武中建於縣治之

南成化中知縣胡宣改建縣門左右

鼓樓在縣東南距縣二十步知縣胡宣建

鐘樓在縣西後廢

都察院在東街知縣胡宣建後改為典史署

察院

在都察院西
知縣胡宣建

府館

在縣治東正對鼓樓知
縣胡宣建後改為關帝廟

國朝康熙四年知縣高錫

因舊址創大堂三間二堂三間主

室三間大門三間儀門三間戒石坊一座六曹坊左右各十間

庫房一間主室左右各廂房三間羣房廚房共二十一間花亭

三間在三堂東偏其相聯翼又七間書室二間在三堂西偏儀

門外東偏寅賓館三間

久廢

衙神廟三間馬神廟一間牧廐十間

杜俊章創建公署記

扶溝逼處汴南固用武之地也宋明道先生嘗以德化民後
之登斯堂者皆有高山仰止之思焉迨歲既久求歸然獨存
如魯靈光者已不可得惟有殘柏數株枯槐幾樹蕭然於荆

扶溝縣志

卷之四

公署

五

榛瓦礫間已耳三韓高公分符茲邑慨然興懷曰官居民舍
長民者之過也迺采衆議申請上憲於是捐廉勸始邑人同
心趨義首建聽治堂繼作宴寢堂堂之前由戒石而儀門而
大門樹之屏焉環以左右科房堂以後由二堂而三堂界以
肩鑰翼以輔弼之廡庖湏之舍迤而東若庫若倉若廡折而
西若幕廳若典史宅若射去儀門東偏數十武昔禮土地
及寅賓處也披尋遺墟蔚傑構事神友賢於是乎在繚以
周垣覆以高甍華亭曲徑之掩映名花佳木之培植靡不次
第具舉規模宏遠庶幾向陽出治與明道先生後先相望矣
是役也經始於乙巳十月落成於丁未十一月民不告勞用
不耗帑則以我公之裒益有
道而經紀有方也是為記

十六年知縣屠又良建小扶亭於東花亭之南

今廢

三十六年知縣趙如桓建品級門於三堂之前額曰居仁由義

今廢

五十九年知縣姜公綬重修

嘉慶十二年知縣殷秉鏞重修

道光九年知縣王德瑛重修

咸豐十年知縣孔憲琮重修

典史署 康熙四年知縣高錫爵建今廢 改建於舊書院

陰陽學醫學 俱在縣治東今廢

東西察院俱在東街東察院已無片礎西察院亦頽壞雍正十

三年奉部文將空閑官署不堪修理者變價解司乾隆五年知

縣馬伯輅變銀解司而察院盡廢

扶溝縣志 卷之四 公署

壇廟

社稷壇 明洪武三年建於北郊成化中圯於水知縣胡宣改置

尺五寸方一尺去壇二尺五寸埋之每歲仲春仲秋祭日出

主於壇而祭畢藏之 國朝嘉慶十一年知縣殷秉鏞建

廟三間改設木 主二藏於廟 國朝嘉慶十二年知縣殷秉鏞重修壇

風雲雷雨山川城隍壇 明洪武三年建於南郊壇製同社稷

廟門垣今僅 存一臺 國朝嘉慶十二年知縣殷秉鏞重修壇

先農壇 雍正五年知縣秦鑄奉文建於南郊外壇高二尺五寸

寬二丈五尺神牌高二尺四寸寬六寸座高五寸寬九

寸五分廟正房三間配房各一間東西南三門藉田四畝九

分嘉慶十一年知縣殷秉鏞重修同治十二年知縣楊恩銘

重修

邑厲壇

舊在北郭圮於水後
改置城外西北隅

文廟

至聖先師孔子 大成殿正中向

四配

復聖顏子 述聖子思子 西向

宗聖曾子 亞聖孟子 東向

東壁

先賢閔子損 先賢冉子雍

先賢端木子賜 先賢仲子由

扶溝縣志

卷之四

壇廟

七

先賢卜子商 先賢有子若 西向

西壁

先賢冉子耕 先賢宰子予

先賢冉子求 先賢言子偃

先賢顓孫子師 先賢朱子熹 東向

東廡先賢

公孫僑 澹臺滅明 原憲 南宮适

商瞿 漆雕開 司馬耕 梁鱣

冉孺 伯虔 冉季 漆雕徒父

漆雕哆 公西赤 任不齊 公良孺

公肩定 鄒單 罕父黑 榮旂

左人郢 鄭國 原亢 廉潔

叔仲會 公西輿 邾巽 陳亢

琴張 步叔乘 秦非 顏噲

顏何 縣亶 樂正克 萬章

周敦頤 程顥 邵雍

先儒

公羊高 伏勝 董仲舒 后蒼

扶溝縣志

卷之四

壇廟

八

杜子春 諸葛亮 王通 范仲淹

陸贄 歐陽修 楊時 游酢

羅從彥 李侗 呂祖謙 余沈

陳淳 魏了翁 王栢 趙復

許謙 吳澄 胡居仁 王守仁

羅欽順 黃道周 湯斌

西廡先賢

蘧瑗 林放 宓不齊 公冶長

公皙哀 高柴 樊須 商澤

巫馬施 顏辛 曹邨 公孫龍

秦商 顏高 壤駟赤 石作蜀

公夏首 后處 奚容蒧 顏祖

句井疆 秦祖 縣成 公祖句茲

燕伋 樂欬 狄黑 孔忠

公西蒧 顏之僕 施之常 申棖

左邱明 秦冉 牧皮 公都子

公孫丑 張載 程頤

先儒

扶溝縣志

卷之四

壇廟

九

穀梁赤 高堂生 孔安國 毛萇

鄭玄 范甯 韓愈 胡瑗

司馬光 尹焞 胡安國 張栻

陸九淵 黃幹 眞德秀 何基

陳澥 金履祥 許衡 薛瑄

陳獻章 蔡清 呂坤 孫奇逢

劉宗周 陸隴其

崇聖祠神位

肇聖王木金父正中南向

裕聖王祈父中東南向

詒聖王防叔父中西南向

昌聖王伯夏父東上南向

啟聖王叔梁父西上南向

東配先賢

顏無繇

孔鯉

西配先賢

曾點

孟孫氏

東從祀先儒

扶溝縣志

卷之四

壇廟

十

周輔成

程珦

蔡元定

西從祀先儒

張迪

朱松

名宦祠

舊在明道祠之西後
移文廟戟門外西向

宋

程顥

金

王浩

明

張遵道

馬文炯

韓璟

陳紀

胡宣

李增

王廷華

吳大田

黃紳

趙輔

楊瞻

陳輅

王喬年

胡伯涵

黃芬

管應鳳

馮盛明

王大用

全良範

歐陽照

明道祠

在城西南隅大程書院之西明嘉靖丙午年建國朝康熙八年知縣高錫爵重修乾隆十二年知縣吳溶重修嘉慶十一年知縣殷秉鏞重修同治九年知縣程光溥督飭邑紳重修光緒十一年知縣孟憲璋重修

保障二勲祠

祀知縣王廷華邑舉人何岑在文廟西明萬曆四十二年士民請於當道知縣歐陽照建國朝乾

扶溝縣志

卷之四

壇廟

十一

隆三十一年知縣張映
台督飭何功璜重修

羅玓王侯保障功績記

高皇帝以神武開基拓帝王未有之土宇列聖丕承益勤明

德垂百四十年餘民不識兵乃正德五年逆瑾竊柄濁亂海

宇文霸醜類乘間竊發屠城坑邑幽冀騷然夫子赫然震怒

命將出師救天下嚴城勒兵以防奔逸時河南郡縣恃洪河

天險多事因循獨我扶溝王侯毅然而作曰烏合小醜敢橫

行河朔者以無備故耳實墉實壑實資保障則為之築高濬

深三倍往昔樓加重簷梁設機械市民登陴以守什相聯

鄉民受甲者分隊游擊首尾相應然後申之以親上死長之

義士皆奮臂思効地利人和可恃以無恐是年五月余以內

臺出守濠梁道經桑梓心甚壯之遂以妻子留家至九月醜

類一枝由北洋竊渡陷我虹縣劫我靈壁漸逼我濠梁余請

官軍丁壯延守渦淮分截要害賊知我有備乃趨蒙亂渦戕

太和覆沈邱遂入我河南余內懼走書于扶促弟子携家赴

汴以避之侯聞愕然速學博吳君大田輩議之日羅公以眷

屬留家謂扶可守也今舍我去賊勢必大猖獗不同心戮力

以蘄保全如國法何南門東門均吳君守之郭君卓倫北門
王君綺西門侯居中四應越明年二月賊果過汝甯襲上蔡
芟項城掠西華遂寇我扶溝攻圍三日夜侯乃督勵守禦隨
賊所犯指授方略矢石所擊鮮不輒中賊勢大折遂解圍宵
遁破鄢陵而走鞏洛侯又慮人情乘勝懈不爲備又進邑人
而告之曰賊之所過郡縣輒如拉朽獨吾扶奚翅無虞且大
挫其鋒勢窮東歸必不甘心于我但保守之具猶多疎失爲
今之計必大加修飭乃克永濟民翕然用命於是翼以重樓
環以外隍四隅置樓以備瞭望設窩鋪四周爲守者蕃休層
城重塹儼乎天關金戈鐵馬屹然重鎮至三月賊果由鈞陽
而來闚吾扶戒嚴遂抄許襄而南一邑生靈終得保全厥功
懋哉初逆寇之將及也公執城役未畢當道有暱公者慮彈
丸之不可守檄公入行省治兵以他佐領攝縣事公曰吾受
命爲邑責當死事去則邑誰與守於是卻攝者毋來壹爲繕
治計甫三堞未完賊已薄城下矣此其志與睢陽攖守何以
異而卒至保全則又無前之績也公諱廷華字彥實其先通
州人大父以戰功拜涿鹿指揮使族屬因家于
涿公起明經爲輝邑博士以異等擢扶溝令云

扶溝縣志

卷之四

壇廟

十一

薛三才保障二勲祠記

自昔嬰城抗敵豔譚睢陽矣睢陽坐困至羅雀掘鼠而卒以
以身殉之是爲苦節亦有決策捍衛坐保孤城於無虞是可
成敗定品衡哉幸不幸之間耳雖然節義事功相爲終始而
民生所利賴者固自有在矣設若一罹坑屠則社稷爲墟室
廬之焚毀何似人民之殺戮何似閭閻之污辱何似青燐野
火冤鬼夜號遐思此景象然後知保全之功大扶溝汲南小
邑也國朝以來值兵燹再矣兩被圍而兩獲保全豈其險
山谿人賁育獨異他郡邑哉則驅策握算之功歸焉耳曩在
正德辛未春霸寇趙風子以數萬之師掠中原於時扶令長
王公廷華預飭城塹設機械寇至圍三日不克而去之嘉靖
癸丑秋柘寇師尚詔襲歸德府破鹿邑柘城突至扶溝城下
邑令不習兵革愴惶欲亡去邑孝廉何公岑強挽之爲畫策
退賊邑安堵如故令長職在死守孝廉計保身家此其責甚
重情甚迫就中有可以規避自全者在智巧之士所亟圖二
公不然矣當霸寇未至之先當道有暱王令者檄治兵于會
城以他佐領攝縣事王令謂受命爲邑去則邑孰與守卻攝
者勿來獨兢兢繕治事甫三堞未完寇已薄城下矣何孝廉

當柘寇方將之時上城守肆拾七策于邑令不能即携
家而去之亦可以自完乃身先士卒冒矢石而不顧茲兩公
者於全城見功於可避難而不為也在節義不謝巡遠而功
則過之睢陽廟矣扶於是舉也已後蓋正德辛未之役去今
百有三年即嘉靖癸丑且六十餘禩其事已往其人存扶
士民感寓內多故思前人保障之功請建祠於當道當道既
報可且嘉士民存厚之雅敕縣愆憑為之縣令歐陽公猶加
意義舉令一出而釀金供事者若繼屬不三月而祠成甚盛
舉也祠設兩楹兩主並龕春秋之事有司歲舉禮既成乃因
何啟文氏屬不肖紀其事啟文余同門昆季也曷可辭遂受
簡為之說曰守城堅避總屬士氣無所鼓則不奮無所因
襲則易餒二公以一日之勤而血食百世得所鼓矣長策勝
算在口碑者可指數也他日仕斯邑與生斯地者豈無節義
若二公考前人設守之策氣且倍增而金湯之固永保無虞
矣竊為扶
溝幸之

楊公祠

祀明知縣楊瞻在明道祠東明嘉靖年建萬曆二十七
年知縣戴天德重修旋廢 國朝道光九年知縣王德

扶溝縣志

卷之四

壇廟

十三

瑛添設木主移
併於馮公祠

馮公祠

祀明知縣馮盛明在南街路東明萬曆年建 國朝順
治十五年知縣蔣其昌重修道光八年醫學何應元重

修光緒元年知縣楊恩銘重修並移
楊公碑於祠內榜其名曰楊馮公祠

扶溝令月禎馮公祠記

劉昌祥
部符書人
工

古者建侯以親民也思其人愛其樹召康公稱仁焉秦罷侯
以來漢吏治為近古朱邑召信臣以治行 家大司農少府
九卿而桐鄉上蔡間民猶追思之立祠致祭歲時不絕其德
化在人自非塗飾觀聽者所能及矣涿鹿月禎馮公以名甲
科萬曆庚寅間來尹扶溝自是剔歷中外三十餘年前後五
莅吾豫其始下車民既訢然歌來暮也及被徵以去莫不擁
臺使者馬首原借一年已聞捧檄復至又訢然曰自茲君長
子孫吾土因以為氏是吾願也既而引疾去民乃遮道號呼
曰君去我必死我有婦雖舉子奚為其令民愛慕如此而其
善政所首被在扶溝扶溝耆老大夫士曰吾以小扶亭有
洧水溝因以名水潦不時敗乃城郭公穿渠引河分散水患

猶鄴之有西門渠陳留之有鴻郟陂也扶處洿窪地瘠民貧均輸庸直奸胥猾之爲害滋甚公歲取有式催科不煩與吏約法無敢侵雖劉子靖富民有術日引月長不是過也斯二者爲扶興利除害至於今賴之他若給牛種勸耕如張堪守漁陽修早備請雨輒應如戴封令西華崇學校治講堂以敦教化如文翁在蜀治身清廉姦滑縮首如薛瑄爲洛陽此扶人能爲扶言者如是及公去扶八年來守鄴也朞月耳士民歎咏不絕於口越三年遷大梁守更十二年而爲豫廉察又二年而旬宣兩河維時吏畏其威民懷其德又如張綱之埋輪都亭杜預之轉漕漢沔其大有造於吾豫而謳歌懷思一如扶之耆老大夫士也嗟呼登高者其指遠源厚者其流長河潤九里岱雲觸石而雨遍天下以公所至善化計之莫如爲方伯撫綏八郡德施益普卽爲國轉運歲以百萬計無秋毫靡耗以重傷兩河民其視扶溝蕞爾邑惠澤所布相去豈直倍蓰而扶民今且去公七十餘載公遺世已久猶望祠見樹竊竊俎豆而尸祝之敷治有廣狹推恩無隆殺可爲仁心爲質者矣又何疑乎沒世不忘也哉爾者吏道稍龐雜矣天子加意復古求愀幅吏一切碑祠有禁扶之耆老大夫士匪

扶溝縣志

卷之四

壇廟

十四

以圖新而舊是葺匪以請祝而歿是思豈非瞻峴碑而流涕過欒社而哀慕有大不能己於懷者耶今冢嗣太保鹿菴公銓爲國元老而諸子孫輩如鏡如源淮如源濟如源泗或入司著作或出任爪牙行如漢韋平相代而起一本於公之教余豫人也沐公德澤久又時從太保鹿菴公游故能與扶人頌德紀迹以志不朽若公之懿德顯功家乘國史炳如日月天下誰不知之又何贅焉

鄉賢祠

舊在明道祠之西後移文廟戟門外東向

漢

郭禧

唐

王甯

宋

胡宗穎

元

馮夢弼

馮夢周

潘炎

明

劉原弼

焦永固

楊鼎

高鵬

嚴憲

羅俊

李夢陽

羅贊

何岩

曹嘉

杜紹

劉瑞

扶溝縣志

卷之四

壇廟

十五

劉東

劉東

李玩

劉自修

何岑

劉自強

何出圖

王格

何出光

杜化中

杜津

郝維喬

盧傳元

劉懋武

羅玆

羅珮

張凱

劉自存

李如松

王真卿

盧傳姓

國朝

杜俊彥

杜之昂

張桐叟

忠義祠

雍正六年知縣秦鑄奉文建於文廟後
西偏十年知縣周鈺移建於東偏

元

潘炎

明

劉原弼

王格

郝維康

桑廷恩

齊圭

周齊

劉忠烈祠

祀劉原弼在東街路北

節孝祠

祀明生員劉清妻張氏等九十四人列姓全載在明道祠之西雍正六年知縣秦鑄奉文建道光十年知縣王

德瑛重修光緒十一年知縣孟憲璋重修

關帝廟

在南街西巷不知建於何代明正統年耆老龐尙忠天順初知縣陳紀善劉澄成化年壽官劉溥正德年壽官

扶溝縣志

卷之四

壇廟

十六

喬遇皆重修 國朝康熙三十六年義民張應詔重修並建拜殿雍正十二年生員盧宸重修山門乾隆十七年知縣馬伯輅重修並據監生劉祖唐民人趙成功捐廟西基地建三代廟三十九年住持僧心宣重修嘉慶三年知縣楊芝年重修道光三年州同張燦等建春秋閣又衙東一向南門內一向西北門內一向西南馬道一對城其餘各村鎮皆有不載能備

文昌廟

在龍泉觀西康熙十九年舉人杜之昂創建乾隆十八年知縣徐步蟾重修嘉慶八年知縣楊芝年撤廟後之

十二祖母閣 改建後殿

火神廟

在小十字街東路北康熙十一年單增財重修五十九年李希孔重修四十年知縣李鋒重修嘉慶四年各紳

民重建抱 廈戲樓

城隍廟

在西大街元至正間工部差官潘忠濟建燬於兵明洪武二年縣丞劉鎰再建正統十年知縣韓璟重修成化

十六年知縣胡宣買廟後地六畝以廣其制規模宏敞二十
六年知縣李增重修宏治十年知縣汪瀚重修嘉靖十年署
縣劉廷瑚重修四十四年高嶺重修崇禎十五年燬於左兵
國朝順治八年廟祝張上璽重修康熙六年丁士楨重修二
十六年高鳳岐建黃籙殿五十年李希孟高重單國棟重修
雍正四年廟祝李成桂重修乾隆三十九年知縣劉瑄重修
五十年盛新設城隍行神嘉慶元年知縣楊芝年重修道光
十年知縣王德瑛重修十一年知縣唐鑄繼之原任盧氏縣
教諭李逢泰舉人高甲三州同張燦醫學何應元廩生薄繩
邕聶挺武生何士俊李光陞路榮標監生杜捷三董其事又
帛亭城一練寺一固城一李集一
屠又良城隍廟祈禱靈應碑記

國家畫圻分邑建令丞簿尉等官崇立社稷文廟城隍諸祀
然地有大小事有繁簡故丞簿或置或不置而社稷文廟城
隍諸祀盡域中皆然蓋一以植國本一以敦文教一以資篤
祐幽明並舉春秋咸秩凡以贊皇風而厚民氣也夫神以城
名既與令之以縣名其官者同而又歲享俎豆無窮之奉其
秉直司聰揚靈剡剡當必有異於世之凡爲神者亦曰居其

扶溝縣志

卷之四

壇廟

十七

位盡其職云爾而扶溝城隍則更有異康熙十四年余捧檄
來吏茲土自念拙陋不能有功於世又幼奉先文林清白之
訓庶幾恪共自檢稍蘄寡過下車謁廟輒與神約朔望瞻拜
必以所行事告之會十六年春夏間雨三旬有奇余齋宿爲
文禱於神三日卽止七月又大旱民皇皇於秀者之不實耕
者之不得播種余又禱神應時雨注歲則大熟十七年六月
大旱則又禱於神雨亦立至是冬無雪而多風土膏中乾麥
氣不發余以次年正月朔前一日入廟請命是夜忽風定霰
飛紛紛竟夕三月麥將熟不雨余禱於神境內得雨數寸至
六月旱太甚矣瞻雲焦愁奚啻千里齋心虔禱倍於疇昔而
扶竟得雨蝗自東來未嘗入境入秋大雨霽霖四十日壞廬
舍城堡無算遠近隴畝悉爲巨浸無可奈何唯朝夕哀籲於
神是時梁宋陳蔡之郊西成十損八九而扶獨不傷十九年
春狂飈時作三春僅微雨者二余禱於神次日風輒止三日
而膏雨霑足凡余受事迄今祈雨者五祈晴祈風止者二祈
雪者一神之靈也捷於枹鼓嗟乎異哉用兵以來百姓之困
苟非芻蕘饒餽者數矣况扶以汴南小邑凋殘之餘民氣未復

間屢祈屢應雖水旱而不為災豈非神之哀我人斯而左右
裁成使余得藉手以告無罪也乎揆諸祀典此非所為捍大
菑禦大患者乎夫上以答天子欽崇之意下以錫庶民
盈寧之福固神之自靖則然獨余尹茲六載深沐神貺遂至
於此則余之所厚幸而神之迴有異於尋常者故為臚紀歲
月用誌不忘且以見靈爽有赫呼吸可通稍欲一言一事之
難以質諸神明而不可者以自儆焉

東嶽廟

在東門內明嘉靖十六年知縣劉璋重修國朝康熙
九年知縣高錫爵重修乾隆五十三年武進士何之璞
重修又斗倉一楊村岡
一練寺一東朱村一

八蜡廟

在東嶽廟東並祀劉猛將軍嘉慶十
九年知縣江心筠重修西謝村一

大王廟

在迎春廟後乾隆二十二年知縣七十一建道光九年
知縣王德瑛移建於東門外紫來橋光緒十三年又移
建於迎春廟之右路北又白家潭一董家橋一呂家潭一焦
家橋一晉家橋一乾隆二十二年大水知縣七十一乘舟救

扶溝縣志

卷之四

壇廟

十八

民遇風幾至不測抵迎春廟後而止故建廟於此嘉慶二十
四年大水知縣王德瑛乘舟救民行至馬家河遇險化平因
重修移於紫來橋光緒十三年署知縣倪德齡謂此廟杜東
方生生之氣於邑人不利因復建於迎春廟之右規模仍舊
閭邑紳士
共襄其事

靈關廟

在西關外每逢
亢旱禱雨輒應

以上係列入祀典及逢神
誕致祭廟宇餘入寺觀

倉庫

常平倉

明時在縣治左後燬於兵國朝初置西門內止三間
康熙三十三年知縣繆應晉創建於縣治東偏共三十
間乾隆二十七年知縣董豐垣創建倉神
司倉廳六間咸豐十年知縣孔憲琮重修

社倉

舊在常平倉南後盡改為常平倉乾隆十年知
縣周鈺建於縣衙大門內西偏共六間今廢

漕倉

穀存常平倉

庫房

康熙四年知縣高錫爵創建一間在大堂東向北乾隆十八年又於大堂西建外庫一所向北二堂東建堂房二間

繼又添建四間

監獄

舊在儀門西燬於兵康熙三十六年知縣趙如桓因舊址建監三間倉三間女舖三間獄神廟地藏廟各一間外牆

厚五尺高二丈北向置牢門內通更道設窩舖更夫女舖間隔高垣各開門戶各留空院咸豐十年知縣孔憲琮重修

試院

邑舊無考院每童試皆就署開場支席為舍公私多不便知縣

楊恩銘欲創修之工未興量移去光緒十年知縣孟憲璋因成

議闢書院舊地勸捐建修自大門龍門大堂東西文石條大

扶溝縣志

卷之四

倉庫

十九

橙官廳花廳山長院以及齋房執事房照壁繚以高垣更道東

南隅為文昌閣魁星樓圍以花牆莫不釐然備具經始於甲申

之春葺事於乙酉之夏題其額曰大程書院兼為士子月課地

經費裕如士氣奮興督修者路鳳來高青霄何成之路在庚李

漪峰監修與督者二十餘人不具載

扶溝縣創修考院碑記

孟憲璋邑令

天下事成敗必相其機機之將成乘其勢而利導之若金就

範刃破竹渙然沛然不煩難而就理昧乎是而繩之以難爭

之以力求愈急機愈窒有治絲而棼耳烏能底於成哉光緒

己卯余來守茲土下車觀風知邑有書院額曰大程以宋明

道先生取義西為先生祠堂書院基址湫溢中有立雪講堂

三楹堂之後東西北屋各三椽餘則蓬蒿掩映無長物焉月

進諸生講習其中慨焉有擴充恢廣之意第未決其機之向

背奚屬耳閱明年奉檄縣試吏人告余曰此地無試院則於
堂皇之前支席爲舍應試者自携几案從事焉猝遇風雨岌
岌不可終日余聞之憂甚然竟末如之何也試畢事乃集諸
父老謀所以善後者僉曰曩者楊侯仲和曾有建修試院之
議就書院舊址拓其地前爲號舍後爲講堂俾書院試院二
而一之議甫舉旋大侵楊侯亦量移去斯役遂中輟焉余聞
此語喜其機之可乘也心益怦怦動顧以閭閻災祲迄未復
業比歲僅中稔遲遲未發者又三年迄癸未雨暘時若會有
轉機復詔父老謀僉欲贊成而里下莫不踴躍樂輸共襄義
舉歲甲申乃諏吉興事程度一仍楊君議邑紳咸鳩工庀材
日襄事其中計費錢萬五千緡有奇於是先大門次龍門次
講堂翼以東西號舍各十三楹最後爲廳事齋房環之迤西
別院爲山長棲遲所又其西爲宋程明道明李空同及節孝
等祠悉築而新之困困盤盤遂成鉅構蓋經始於甲申之春
而葺事於乙酉之夏也落成之日父老盛集舉觴爲壽曰非
宰之力不及此余曰莫爲之前而作之自我是爲創有憑可
藉而仍乎其舊是謂因是役之成迹近於創而其所以得成
則在逢其機而出之以因因楊君之舊議故先事無遺謀因

扶溝縣志

卷之四

試院

二十

諸紳之急公故臨事無懈弛因各里之樂於解囊集貲故民
忘其勞而後事無怨誹蓋碌碌因人成事者而宰初何力之
有哉雖然余於斯役固不能無厚望也中州爲理學之區程
氏兩夫子實開其緒而是邦又爲明道舊治諸生萃而肄業
相與觀摩苟深繹夫書院命名之義以興其高山仰止之思
先生往矣先生之心法俱在力而求之將居敬窮理以馴致
乎格致誠正修齊治平之域遺乎今乃進於古是在人之祈
嚮何如耳諸生勉乎哉余以吏議行將去此諸紳請余文以
記爰述顛末且以勗都
人士之與於斯文者

演武場

舊在潁考叔祠右乾隆十九年武生萬統一等公捐地二十畝
零九分四釐二毫在縣西南五里糧銀於苗許等保分別撥除
附近居民日漸侵種四十六年知縣趙文重清丈挑溝界年久

復被附近居民侵種道光九年知縣王德瑛清丈挑溝深三尺

週圍栽樹

橋梁

開水柵附

賈魯河自白家潭入境白家潭橋二北橋尉氏界又岳家橋

土橋

又董家橋

石橋三空

又呂家潭北土橋曰通濟中板橋曰萬善南石

橋曰廣濟

三空何出圖有記

南又一土橋名永濟又陸家橋舊名平政

橋又宋家橋

土橋

又焦家橋二

土橋

又王家橋又晉家橋二

俱土橋

賈

魯河出境

呂家潭石橋創於明萬曆癸未至甲午曆十稔工成長十二

扶溝縣志

卷之四

演武場 橋梁

二十一

丈闊三丈高二丈七尺最為壯麗捐貲者齊峯齊圭陳節張

思詔李世貴慕義而助者太康人張倣張永錫督工者王朝

殿王應科道士李演仙

呂家潭初建石橋記

何稽武

天根見而成梁王政也扶境有河曰惠民河之巨鎮曰呂家潭下達淮泗上接洪河淮徐兩河之產交輸之故艘艦雲屯珍奇猶集越在遠疆者至不識邑而識鎮庶幾稱陸海哉先是構木為橋以濟輜輶顧木善圯圯而累葺之勞費且不任無如石便也第木之費一而石之費百民曰費不百不可以永相與詣縣大夫請質焉大夫曰勞曰莫或驅之勞孰怨大夫曰費曰莫或斂之費孰怨既而曰是可因也下令云維是歲時之不易誠不欲強民起不急之役奈不可己且舉自民我何敢拂無甯寬歲月無勞費以逞可於是餘粟者授食餘貲者給費經始於萬曆癸未夏僱工於甲午春凡十易稔而橋成長二十丈闊三丈高二丈七尺屹若長虹而望之翼翼

如也自是商艘漁舠鱗集其下星輶輜重往來其上淮徐兩河之人與利脉絡相屬且什百千萬於昔而向者巨鎮若增之重矣是役也費數千緡工役至不可紀上無鞭撲之勞而下無怠事無怨咨成功舉不稱伐而相忘誰之力殆有三代之風焉

重修陸家橋記

盧世揚 邑人

陸家橋古平政橋也創於陸氏爰有陸名示不忘也跨惠民河上距邑東五里許逞時閭架鱗次負販之聲曉夜相聞明季兵燹焚掠殆盡物盛而衰不獨一邑爲然也清興以來歲稔商通南自吳越西達秦隴輪躡絡繹取道於扶者率以此橋爲咽喉邑之南西兩郊卽次居停以及賣漿炊餅之家乘時逐未隆隆有起色奈橋久而圯旅出他途客邸猶昨生計蕭然矣則陸橋非邑民阜財利用之大關也哉一僧窺民病涉持簿作緣遂飲啖其中自己酉歷壬子非無義助不盈漏卮星霜四易築舍無成邑中士大夫僉以其狀聞之邑侯高父母父母曰此有司事也何以僧爲逐其僧收其簿令義民按簿質催樂輸者聽力不從心者勿強也特捐清俸佐以設處鳩工庀料命邑尉督之敷政餘暇單騎稽核於是橋柱之

扶溝縣志

卷之四

橋梁

二十一

堅直者仍之橋版之腐敗者易之板必六寸釘必盈尺護板以柴厚倍之覆柴以土厚又倍之旁植扶欄甯樸勿華經始於秋落成於冬曾幾何時而青龍儼然駕水上矣余每思天下事力任則有功交委則立敗道蕝於陳輿濟於鄭良可浩嘆聖天子付民社於良有司良有司肯子視民家視邑本之以誠濟之以斷何弊不革何利不興往往塗飾耳目者於臺使憲駕旁午必經之地除道成梁或可應候至偏僻狹狗衆利攸歸膜外置之間有迫于公舉者亦惟是印簿一扇開緣數兩付善信待衆擎斯已耳孰有見義必爲任勞不恤如我高父母者哉高父母撫扶九載百廢俱興縣署譙樓官街神祠煥然更新未易更僕如陸家橋雖近實僻乃自以爲功不遑暇食一草一木必親必躬卽父母爲子姪營堂構計久遠不是過也非才與誠合明與斷烏能使民忘其勞邑不知費報竣若斯之捷耶推此心也津梁環海舟楫廊廟取之寸丹而有餘裕也嗟嗟時易勢殊車轍馬跡雨灑風飄土無久而不坍木無久而不腐是在後之同有是心者隨時修葺勿忘民膜則陸家一橋利賴萬年可也敢因記事而并告之

雙泊河自丁家橋入境丁家橋鄆陵界又吳家橋又曹台橋二
又通汴橋卽北石橋泊水自西而東爲南北孔道舊架木輒壞
邑人高礎易以石又韓家橋今廢至此入賈魯河蔡河自呂家
潭下張單口分流起文昌橋橋 甄又河涯劉橋又劉店橋橋 甄又柏
子岡橋橋 甄又趙廠橋橋 甄又丁岡橋又于家橋橋 甄又曹家橋以下
出境入西華官清溝以上橋 皆 圯紅石橋乾隆五十五年王擢儒建
大溝河至此入賈魯河今廢

馬家河逕劉家橋橋 甄又邵口橋橋 甄 五 空又高八橋明陰陽訓術高
潺建因行八故土人以名橋又張會橋今廢至此入賈魯河

扶溝縣志

卷之四 橋 梁

楊陵岡大空橋橋 石道光十年知縣王德瑛重修

顧家南石橋係紅義溝橋

陳家橋係七里河橋

孟亭橋雙泊故道自此入境以上三橋陂水俱匯於高八橋入

賈魯河

大浪溝自周營入境鄆陵界翟家橋橋 甄又左家橋橋 甄又梅家橋

又麻鞋李家橋橋 甄又魏寨橋橋 甄又邢家橋橋 石又濩陵橋橋 甄又

角塚橋橋 甄又謝家橋橋 甄又鴨岡橋橋 石又立岡橋橋 甄以下入西華

界

二浪溝自本境塔兒灣陂水起塔灣橋石橋 舊名屈岡橋又離下

西橋橋 甄 又秦陵西橋橋 甄 又秦嶺南橋橋 甄 又漢陵西橋橋 甄 又鴨岡

北橋又鴨岡南橋石橋 又立岡西橋以下入西華界

李田溝自李田村起李田橋三俱 甄 又土寨西橋橋 甄 又斗倉橋

二橋 甄 又宋家灣橋橋 甄 在官路上道光九年知縣王德瑛重建又

燒盆劉家橋橋 甄 又鹽廠橋以下入太康界

馮陵溝自馮陵村起會濟橋橋 甄 在官路上乾隆二十二年知縣

七十一建東馮陵橋三橋 甄 又黃家莊橋橋 甄 以下入閘上溝

閘上溝自江村東北橋橋 甄 起又江村東橋橋 甄 道光十年知縣王

扶溝縣志 卷之四 橋梁 二十四

德瑛督飭江村牌民建又通陳橋橋 甄 在官路上又閘上橋橋 甄 又

曹岡橋橋 甄 又劉家窪橋橋 甄 以下入太康界

宏濟橋橋 甄 在官路上係二河溝橋

城角李家橋橋 甄 係三河溝橋

以上係河橋溝橋

自北門吊橋起一百八十步通濟橋橋 甄 又七十五步洪濟橋橋 甄

道光九年知縣王德瑛重修又五十步龍橋石橋 五空 又八十五步

順濟橋橋 甄 又一百八十步雙泊石橋已見又九十步魯家橋橋 甄

又一百零五步高八橋以上諸橋光緒十六年重修又一里一

百二十七步老龍窩頭橋橋 甄 又一里六十三步老龍窩二橋橋 甄

以上二橋俱道光十年知縣王德瑛建又六里一百七十步呂

家潭三里橋知縣王德瑛重修又三里七十一步呂家潭廣濟

橋又呂家潭北通軌橋甄 橋 五空 雍正元年貢監宋立吉乘輅建乾

隆二十六年知縣董豐垣重修又宋家灣橋又會濟橋又江村

北橋甄 橋 又北五里通許界

自東門吊橋起一百步紫來橋舊係甄 橋 乾隆元年知縣周鈺以

東南潁村廢橋石片移為石橋三空嘉慶二十四年知縣王德

瑛又以三河內羅溝東廢橋石移修為五空又九十步迎春橋

扶溝縣志

卷之四

橋梁

二十五

甄 橋 以上諸橋光緒十六年重修又一百步邵莊橋甄 橋 又一百五

十步宏濟橋又一里一百六十步官路灣橋甄 橋 又二里一百二

十步陸家橋又紅石橋乾隆二十五年聶復臣建又羅敷廟西

甄橋三座道光十年知縣王德瑛飭監生劉世有等建又劉店

橋又鄭家橋以東太康界

自北門至高八橋計長二里三百五步自東門至陸家橋計

長五里地處卑窪每遇夏秋靈潦積水汪洋民皆資筏而渡

深以為苦嘉慶二十四年知縣王德瑛捐廉倡修各紳民捐

貲一千七百餘千修墊官路寬約三丈高四五尺不等光緒

十三年爲黃水衝圮十六年春予捐廉勸始邑人同心趨義卽請沈太塾路曾修塾如故並建甄橋

毛家橋

石橋

乾隆間劉洪烈建道光九年知縣王德瑛飭武生賈丹重修又新建甄橋三座今廢

楊陵岡橋

石橋

道光十年知縣王德瑛飭楊應照重修今廢

以上係路橋

董家橋閘在董家橋之西河北岸舊渠爲明山西布政郝維喬所濬河口建立甄橋以洩陂水 國朝康熙間知縣胡上署知縣許鵬程復濬雍正六年知縣秦鑄易甄橋爲石閘

扶溝縣志

卷之四

橋梁

二十六

呂家潭三里橋閘乾隆二十六年知縣董豐垣重建道光十年知縣王德瑛重修

快活林閘在白家潭河南岸

龍堂閘在毛橋南蔡河北岸

馮陵閘今廢崔橋閘在閘上地方今屬太康

老龍窩古閘乾隆三年知縣周鈺重修二十二年知縣七十一重修洩陂水入賈魯河又一閘洩陂水入馬家河

高八橋閘在橋西河南岸

水柵康熙三十八年知縣趙如桓以賈魯河雙泊河奸宄往往

隨陂出入爲商船害乃於橋梁處所堅置木柵兩岸復築墩堡
兵役守之經商遂無阻滯上憲以其式飭各沿河州縣倣爲之
河路遂清今雖太平日久無需此制然不可不知也

坊表

大司寇坊爲刑部尙書劉自强立

大司馬坊爲南京兵部尙書劉自强立

大司徒坊爲南京戶部尙書劉自强立

大總憲坊爲南京副都御史劉自强立

天官大夫坊爲吏部員外郎劉自强立

扶溝縣志

卷之四

坊表

二十七

文武中臺坊爲河間通判何岑兵部職方司員外郎何出圖監
察御史何出光立

顯承斯在坊爲鹽運使劉懋武立

同胞三鳳坊爲舉人張凱張崙張崧立今廢

世登科第坊爲舉人何岑進士出圖出光立

以上俱在東街

天恩世寵坊爲陝西按察使盧傳元立

三世承恩坊爲贈按察使盧璽立

清朝名諫坊爲戶科給事中張篤敬立

三世疊封坊爲刑部尙書劉澤深立

以上俱在西街

青瑣褒綸坊爲贈參政郝鏐立

兩科都諫坊爲工刑兩科都給事中郝維喬立

高義匡時坊爲太醫院郝維康立後捐修櫺星門

三代恩光坊爲山西布政郝維喬立

恩揚賑義坊爲義官齊圭立

黃門威鳳坊爲給事中郝維喬立

方伯坊爲江西布政曹嘉立在倉房門前今廢

扶溝縣志

卷之四

坊表

二十八

地官坊爲戶部主事杜紹立今廢

柱史坊爲御史杜化中立

以上俱在北街

父子臺諫坊爲御史羅贊羅玠立今廢

兩朝岳牧坊爲副使羅玠立今廢

以上俱在南街

節孝坊城內外俱有不及備載

郵政

普濟堂舊在

廟後久廢雍正十三年知縣周鈺移建於天

甯寺西路南瓦房十四間道光八年知縣王德瑛重修並添建二十間

政先堂在郝街路北道光八年州同張燦捐基知縣王德瑛創建瓦房四十七間白潭當商劉德隆捐錢六百千監生王起王從王化溥捐錢六百千又戶南房每年捐錢一百二十千庫吏每年捐錢一百二十千

生員何珽捐地百畝武舉高淸標捐地三十畝徐永茂捐錢三百千

漏澤園在北石橋西十二畝康熙三十六年知縣趙如桓又於迎春廟東置地六畝五分五十二年知縣何深又置二所一在牛王洞前一在七里井東雍正間貢生張桐叟捐地二段一在

扶溝縣志

卷之四 郵政

南良村一在西關外監生萬邦俊捐地一段在七里井

寺觀

龍神廟 在北關明嘉靖三十六年署縣呂失名建順治十年知縣吳朱禎重修乾隆五十七年王德基王學倫重修光緒十七年邑紳重修

玉皇廟 天井岡一路井營西一

玉皇閣 龍泉觀一呂家潭西一

三官廟 北關迤東一東門外一練寺一強陵岡一支亭一

觀音堂 龍泉觀對門一嘉慶二十三年建東關一明成化十年建在舊大王廟後向西前有井咸豐初年教諭方成法以青鳥術推之謂不利於東街居民因移建東街路北西關一明成化十一年建南關一明正統十年建北關一乾隆

五十八年重修光緒十七年重修西二十里店一明成化年重修李庄一後集季岡一瓦子集一

蟲王廟

邑西七里相傳為舊八蜡祠明天啟三年重修

公輸子祠

在東嶽廟西嘉慶二十二年匠役建

竈君祠

在東嶽廟西嘉慶二十二年厨役建

軒轅廟

在西北十里軒莊光緒八年重修

高宗廟

祀殷商王高宗在東北二十五里商村岡光緒十三年重修

漢光武廟

在廟頭岡即漢井溢泉處八景之一

固王廟

在西張村按商水志有固王陵係周赧王太子未知是否

鄭莊公廟

在大雕陵岡

扶溝縣志

卷之四

寺觀

三十

季王廟

在集季岡季王未詳

白馬將軍廟

在城西北李家莊東頭

杜大廟

在榆林集

霸王廟

在呂家潭東北間有渡江幾溺者呼王得免及歸作廟祀之

五虎廟

在孟亭集

崔府君廟

在南良村一李家岡一

三官廟

在北門外東對城

太尉廟

在東南八里七里井東坡

二郎廟

大胡莊一謝家橋一曹里村一瓦子集一

岳忠武祠

在練寺北薄家村江村集內一並祠關帝題曰漢宋精忠祠

馬太守廟

在白沙岡太守名嚴扶風人漢章帝時為陳留太守扶溝時屬陳留故祀之

吳公廟

在陳馬岡或云即河南守志行第一者廟後有墓

羅敷廟

在城東二十里蔡河南岸

屠又良

按劉向列女傳魯潔婦者秋胡子之妻也未言其妻何姓又

考樂府陌上桑云秦氏有好女自名為羅敷趙王仁妻也是

羅敷為王仁之妻而非秋胡妻明矣鹿邑志以秋胡娶扶溝

羅氏女毫無佐証舊志謂秋胡妻姓秦氏應改為秦夫人祠

尤謬竊謂羅敷廟或羅姓節婦之廟土音轉婦為敷耳

王羲之獻之徽之廟

王墓一郝寨一

洧陽侯祠

魏封郭嘉為洧陽亭侯祠在城隍廟中

扶溝縣志

卷之四

寺觀

三十一

按嘉封亭侯其地狹小史亦未載其有功德於民專祠奉祀殊覺太過舊志列名宦祠後明道祠前未免失實又傳入鄉

賢內尤屬兩歧今削去其傳附祠祀如舊

皮場公祠

即靈貺侯祠在城隍廟中皮場公本東京顯聖坊土地故凡土地祠往往祀皮場公今署東衙神廟相呼

為裴相公祠乃皮場公之訛也

張子和廟

在張塢岡北首泰山廟左相傳山西人販布經此為盜所劫死地方未償其冤每著靈異有被竊灑酒禱

之輒指獲兇盜差役輩尤敬信之至今廟貌遍中州矣

天清寺

在瓦子集宋景德元年建今廢

支亭寺

西南十八里北齊武平十年建內有大齊武平五年張思伯作佛圖碑現存殿壁

白馬寺

在侯謝岡唐貞觀七年建邑西北二十五里李莊一

彌陀寺

孟亭一元時建八里營一

白雲寺

東北三十里唐貞觀中建

天慶寺

在晉岡金明昌七年建

太平寺

在波謝村西同治十三年重修

興國寺

在東北五十里元大德二年建

湖莊寺

在孟亭

江村寺

在江村集

崇興寺

在韓村明景泰年建

崇勝寺

在後歸村

扶溝縣志

卷之四

寺觀

三十一

寺岡寺

東南三十里

慈雲寺

在義聲保闡上岡隨台上明景泰六年重修光緒十六年重修

清涼寺

在練寺保

屈岡寺

舊志八景內寶刹飛嵐卽此今廢

靈邱寺

東三十五里明景泰七年建

崇聖寺

在殯王岡寺內有修寺碑碑陰刻捐貲姓名浮面有草書興酣落筆搖五岳七字徑尺許體勢雄健相傳係蒼髯翁以口汁爲之亦異跡也

慈勝寺

在練寺西南金村

膺福院

在侯謝村

報恩禪院

在晉岡寺東

黃堆院 在三晉岡

興國禪院 在曹里村

扶溝縣志

卷之四 寺觀

三十三

